


**TEZAUUR LITURGIC**  
**19 FEBRUARIE**

**ACATISTUL**  
**SF. CUVIOS**  
**TEODOR UȘAKOV**  
**DE LA**  
**SANAKSAR**

**I**



**MOSCOVA, 2000**



# Акафист

## святому преподобному Феодору Санаксарскому

---

### Кондак 1

Избранный уго́днице и до́брый во́ине Царя́ Небе́снаго, за́поведей Евангелъских изря́дный де́лателью, все́х прибега́ющих к тебѣ ко спасе́нию наста́вниче, смире́нием ве́лие дерзнове́ние стяжа́вый ко Го́споду, вы́ну моли́ о нас, недостойных ча́дах твои́х, да зове́м ти́:

Ра́дуйся, преподо́бне Феодо́ре, ста́да Христо́ва па́стырю богому́дрий.

### Икос 1

А́нгельское жити́е твоѣ прови́дя и мно́гих ко спасе́нию приве́сти иму́щаго, от ю́ности избра́в тя Христо́с в жили́ще Себе́, да́ры мно́гими тя почти́: мы́ же, прославля́юще тя просла́вльшаго, брѣ́нными устна́ми вопие́м ти́:

Ра́дуйся, в ра́зум и́стины пришѣ́дый; ра́дуйся, я́ко врага́ и вся́ стра́сти одоле́л еси́.

Ра́дуйся, я́ко зва́ние учи́тельства от Го́спода  
прия́л еси́; ра́дуйся, я́ко научи́л еси́ нас спасе́ния  
пути́.

Ра́дуйся, вся́ злострада́ния крѣ́тко  
претерпе́вый; ра́дуйся, я́ко да́нный тебе́ тала́нт  
стори́цею преумно́жил еси́.

Ра́дуйся, преподо́бне Феодо́ре, ста́да  
Христо́ва па́стырю богому́дрий.

### **Конда́к 2**

Ви́дев печа́льный коне́ц плотска́го жити́я и  
безчи́нныя утѣ́хи мирски́я в смертоно́сный я́д  
вмени́в, вразуми́вшему тя́ Го́споду, взыва́л еси́:  
Аллилу́иа.

### **И́кос 2**

Ра́зум божѣ́ственный жела́я стяжа́ти, вся́ земна́я  
во уме́ты вмени́л еси́, да безце́нный би́сер,  
Христа́, приобря́щещи. Те́мже пусты́нное жити́е  
избра́л еси́, сего́ ра́ди вопие́м ти́:

Ра́дуйся, челове́ческая при́стра́стия  
отри́нувый; ра́дуйся, безстра́стия возжелé́вый.

Ра́дуйся, своево́лие оста́вивый; ра́дуйся,  
плотоуго́дие возненави́девый.

Ра́дуйся, я́ко немо́щную́ пло́ть ду́хом  
побежда́л еси́; ра́дуйся, я́ко вме́сто земна́го  
весе́лия небе́сное стяжа́л еси́.

Ра́дуйся, преподо́бне Фео́доре, ста́да  
Христо́ва па́стырю́ богому́дрий.

### **Конда́к 3**

Си́лою Бо́жиею укрепля́емь, ве́лия по́двиги  
подъя́л еси́: пока́ние нача́ло положи́в, пло́ть  
непреста́нно озлобля́л еси́ и, все́ упова́ние на  
Го́спода возложи́в, вопия́л еси́ Ему́: Аллилу́иа.

### **И́кос 3**

Име́я нра́в незло́бивый и се́рдце ми́лующее,  
неразу́мным гони́телем твои́м вся́ оби́ды проща́л  
еси́, наипа́че умоля́л еси́ от возлю́бленны́я тя́  
пу́стыни не отлуча́ти. Те́мже, ви́дяще тако́вое  
твоё́ во ю́ности преуспе́яние, восхваля́ем тя́:

Ра́дуйся, кро́ткий пустынножи́телю; ра́дуйся,  
от ю́ности непреле́стный подви́жниче.

Ра́дуйся, от де́монов ненави́димый; ра́дуйся,  
за Христа́ поноше́ния претерпе́вый.

Ра́дуйся, все́ упова́ние на Го́спода  
возложи́вый; ра́дуйся, в ве́ре свое́й не  
посрамивы́йся.

Ра́дуйся, преподо́бне Феодо́ре, ста́да Христо́ва па́стырю богому́дрий.

#### **Конда́к 4**

Бу́ря безбо́жия и проти́вных ве́тров воста́ тогда́ на Ру́сь святу́ю, и не бе́ ме́ста во оби́телех и́стинным рабо́м Христо́вым, сего́ ра́ди и ты́ стран́ствия и скита́ния подъя́л еси́, оба́че на вся́ком ме́сте возлю́бленному Бо́гу вопия́л еси́: Аллилу́иа.

#### **И́кос 4**

Слы́шав повеле́ние Спаси́телево, не отврати́лся еси́ возда́ти ке́сареву ке́сарю и, предста́в на су́д ми́ра сего́, вспя́ть не обрати́лся еси́, те́мже ублажа́ем тве́рдость твою́, взыва́юще:

Ра́дуйся, любо́вь к ми́ру до конца́ умертви́вый; ра́дуйся, я́ко вся́ земна́я презре́л еси́.

Ра́дуйся, вы́шняго Царя́ па́че земна́го убоя́выйся; ра́дуйся, сла́вы су́етныя не восхоте́вый.

Ра́дуйся, несму́щенною тве́рдостию цари́цу удиви́вый; ра́дуйся, ве́рою кре́пкою су́д на ми́лость преложи́вый.

Ра́дуйся, преподо́бне Фео́доре, ста́да Христо́ва па́стырю богому́дрий.

### **Конда́к 5**

Боготéчная звезда́ возсия́л еси́ в столи́це се́верней, те́мный за́пад уны́лаго жити́я благоче́стием своим оза́рив и науча́я собо́ю Просвети́телю ду́ш вопи́ти: Аллилу́иа.

### **И́кос 5**

Ви́дя себе́ ко а́нгельскому чи́ну причте́на, Бо́га восхваля́л еси́, вся́ благая́ желáния исполня́ющего: ча́да спасéния же в тебе́ и́стиннаго отца́ и па́стыря обрето́ша, с ними́же и мы́ поём тако́вая:

Ра́дуйся, чи́стым жити́ем к себе́ ду́ши привлека́вый; ра́дуйся, по́стничеством все́х удивля́вый.

Ра́дуйся, я́ко обе́ты ино́ческия стро́го соблю́л еси́; ра́дуйся, я́ко непреста́нную моли́тву возде́лал еси́.

Ра́дуйся, в рассу́ждении Злато́усту подо́бник бы́в; ра́дуйся, я́ко свы́ше да́р врачевáния ду́ш прия́л еси́.

Ра́дуйся, преподо́бне Фео́доре, ста́да Христо́ва па́стырю богому́дрий.

## Кондак 6

Проповѣдника боговещаннаго ты видя и стадо овец Христовых окрест тебе умножающееся, паки воста на ты завистник древний, злобу и клевету во уста недостойная вложив; ты же, провидя козни его, Подателю благосердия пел еси: Аллилуиа.

## Икос 6

Возсия свет радости в души твоей, егда, место гневу дав, псаломски в пустыни саровстей водворился еси, обаче и паству твою на тучныя пажити монашескаго жительства привел еси, с неюже ликующе, и мы рцем:

Радуйся, гонителем мщения не давый; радуйся, смирением их победивый.

Радуйся, яко словопрений удалялся еси; радуйся, среди житейския молвы пустынного духа не угасивый.

Радуйся, шумом мира тяготивыйся; радуйся, яко горлица пустыннолюбная, из него воспаривый.

Радуйся, преподобне Феодоре, стада Христова паству богомудрый.

## Кондак 7

Хотя́ человеколюбец Господь во́инство иноков преумно́жити и чрез тя́ сие́ ко спасе́нию привести́, из сла́внаго Сарова́ в тишину́ Санакса́ра пресели́ тя́ и та́мо, яко свети́льник горя́щий и светя́щий, на све́щнице тя́ поста́ви, со ча́ды пою́щаго: Аллилу́иа.

## Икос 7

Но́вое и дивное явлéние зрим на мéсте сём, видя́ще тя́, яко едина́го от дрéвних, луча́ми свята́сти сия́ющаго, среди́ дрему́чих лесов́ обитель свята́ю, яко град вели́к, воздвиза́ющаго: те́мже zeló удивля́еми, благода́рно воспева́ем ти́:

Ра́дуйся, во́ли Бо́жия усердны́й исполните́лю; ра́дуйся, вся́кое послуша́ние от него́ ра́достно прие́мляй.

Ра́дуйся, вели́каго труда́ не убо́явыйся; ра́дуйся, всю́ наде́жду на Щедро́давца возложивы́й.

Ра́дуйся, ме́сто сие́ моли́твами свои́ми освятивы́й; ра́дуйся, по́том и слеза́ми сие́ удобривы́й.

Ра́дуйся, преподо́бне Феодо́ре, ста́да Христо́ва па́стырю́ богому́дрый.

## Кондак 8

Странное чѹдо и боголѣпное зрѣтся, яко в немногих лѣтех храм велик во славу Пречѣстѣя созидаѣтся, и обитель иночествующих, дрѣвним подобная, твоими труды укрепляѣтся, в нейже монаси мнози Строителю спасѣния единым гласом вопиют: Аллилуиа.

## Икос 8

Весь закон, еже по Бозе жития, явлен тебе имѣя, наставник искусный и предивный был еси, вражия коварства и хитрости мглу, яко луч солнечный, разсеял еси, темже по достоянию слышиши:

Радуйся, бесов прогонителю; радуйся, страстей искоренителю.

Радуйся, иноческаго общежития устройтелю; радуйся, церковнаго благолѣпия ревнителю.

Радуйся, исцелявый прощѣнием; радуйся, врачевавый терпѣнием.

Радуйся, преподобне Феодоре, стада Христова пастьрю богомудрый.

## Кондак 9

Всякую неправость в себе искоренивый, тщался еси и ближнему сие благо доставити, сего ради

неустанно трудился еси, наставляя, обличая и запрещая; льстивое же чадое твоё, не терпя отеческих прещений, оклеветаетя пред сильными мира сего, не ведуще пети: Аллилуиа.

### **Икос 9**

Ветийства сугубаго недостаёт, во еже сказать терпение твоё скорбей многих, егда в заточении многолетнем во обители Соловецтей пребывал еси; мы же ныне, якоже и чада твоя тогда, со слезами взываем:

Радуйся, яко човекоугодие презрел еси; радуйся, яко безчинных строгостию исправлял еси.

Радуйся, давидски гонения терпёвый; радуйся, скорби в небесный дар вменявый.

Радуйся, выну к Богу духом горёвый; радуйся, яко и Бог с тобою пребысть.

Радуйся, преподобне Феодоре, стада Христова пастырю богомудрый.

### **Кондак 10**

Спасти хотя верных множества, великий Началопастырь многими дары обогати ты, егда, яко злато, огнём страданий очищена паки в родную обитель возврати, яже, усретши ты,

свѣтом ангелоподобнаго лика твоего озарися и радостно воспеваёт праведному Воздаятелю: Аллилуиа.

### **И́кос 10**

Стена́ несокрушима́я Правосла́вным явился еси́, пла́менными моли́твами лука́выя дѹхи попла́яя, трѣзвыми советы́ от заблужде́ния огражда́я, божѣственною любóвию сердца́ согрева́я; всѣм бѣв вся́, мно́гих спаса́ еси́, сего́ ради приими́ хвалы́ сия́:

Ра́дуйся, на крѣст радостно возше́дый; ра́дуйся, на крестѣ́ не ропта́вый.

Ра́дуйся, распя́тием сим до конца́ вѣтхая в себѣ умертви́вый; ра́дуйся, яко в страда́нии ум к Бо́гу возводи́ еси́.

Ра́дуйся, яко непреста́нно горе́ се́рдце имѣл еси́; ра́дуйся, земный́ ангеле́ и небѣсный́ челове́че.

Ра́дуйся, преподо́бне Феодо́ре, ста́да Христо́ва па́стырю́ богому́дрый.

### **Конда́к 11**

Пе́ние вся́кое побежда́ется, егда́ восхо́щет воспѣ́ти мно́гочисленны́я по́двиги тво́я; всено́щная бде́ния, непреста́нная поще́ния, слѣз

излия́ния, бо́лезней и тесно́т благоду́шное терпéние, я́же во всё время́ жити́я твоего́, я́ко да́р до́лжный, Всевы́шнему приноси́л еси́, те́мже и сподо́бился еси́ от Него́ со а́нгелы пéти: Аллилу́иа.

### **И́кос 11**

Светоза́рный свети́льник ста́рчества благода́тнаго яви́лся еси́ во времена́ мра́чная забвéния и благоуха́нное цветéние его́ провозвести́л еси́ жити́ем своим, да не увя́нет цвёт духо́вный в Росси́йстей землѣ; ны́не же на небесе́х живы́й, от земны́х приими́ пéснь сию́:

Ра́дуйся, у́много дéлания подви́жнице; ра́дуйся, любве́ чисты́я при́телище.

Ра́дуйся, Ева́нгельския му́дрости вмести́лище; ра́дуйся, я́ко, па́че своея́, по́льзы бли́жних иска́л еси́.

Ра́дуйся, я́ко до́брый виногра́дарь яви́лся еси́; ра́дуйся, я́ко ни еди́ну же ро́згу презре́л еси́.

Ра́дуйся, преподо́бне Фео́доре, ста́да Христо́ва па́стырю богому́дрый.

### **Конда́к 12**

Благода́ть Бо́жия яви́ нам, недосто́йным, в послéдняя времена́ мо́щи твоя́ святы́я, и́миже

обитель твою от конечнаго разорения сохранил еси, наипаче же к новой жизни возродил еси, темже и ныне умоли за ны, чада твоя, да не явемся неблагодарни за такую милость к нам и нерадению да не предадимся, обаче да усердно воспеваем Богу: Аллилуиа.

### **Икос 12**

Поюще равноангельное и многоскорбное твое житие, восхваляюще благодать Божию, до конца нас не оставившую и за грехи не презревшую, зрим убо наше убожество и скудоумие, во еже воспети тя по достоянию, обаче не отвратися пения сего:

Радуйся, оставляяй согрешающему; радуйся, небрежное житие обличавый.

Радуйся, в Бозе утешение имевый; радуйся, яко о миролюбцах рыдал еси.

Радуйся, монашества крепосте необоримая; радуйся, священства украшение.

Радуйся, преподобне Феодоре, стада Христова пастырю богомудрый.

### **Кондак 13**

Освященная главо, богоносне отче наш Феодоре, славу преподобных и венец исповедников

стяжавый и в незаходимей сияй славе! Якоже прежде, тако и ныне не забуди стадо твоё, но управи е к вечному спасению, зовущее о тебе Богу: Аллилуиа.

Этот кондак читается трижды, затем икос 1-й и кондак 1-й.

### **Моли́тва**

Орадо́сте на́ша! Па́стырю на́ш, преподо́бне о́тче Феодо́ре! Возды́хаем из глублины́ се́рдца на́шего и со слеза́ми во́пием ти́: ви́диши на́ше неможе́ние, во мра́це страсте́й пребыва́ние, си́л душе́вных разслабле́ние, своево́лием обдержа́ние, плотоу́годием плене́ние и вся́кия добродете́ли обнища́ние! Ви́ждь пла́ч и недоуме́ние на́ше! Вразуми́ ны́ и наста́ви на спасе́ния стези́, испроси́ на́м у великодарови́таго Бо́га нищеты́ на́шея позна́ние, слезное пока́яние, нелицеме́рное смире́ние и в моли́тве непреста́нное терпе́ние, да си́ми благода́ть Его́ к себе́ прикло́ним ко прощени́ю грехо́в и сподо́бимся с тобо́ю ве́чно пребыва́ти во Ца́рствии Небе́снем, пою́ще и благословя́ще Всесвяту́ю Трои́цу: Отца́, и Сы́на, и Свята́го Ду́ха, ны́не и при́сно, и во ве́ки веко́в. Ами́нь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НУЖЕ  
НЕБО**